



БУЛГАН АЙМАГ ДАХЬ  
ТӨРИЙН АУДИТЫН ГАЗАР

## САНХҮҮГИЙН ТАЙЛАНГИЙН АУДИТ

Булган аймгийн Засаг даргын Тамгын газрын 2025 оны санхүүгийн тайлан,  
төсвийн гүйцэтгэлд хийсэн аудитын хураангуй тайлан

Аудитын код: БУА-2026/15/НА-СТА-ТШЗ

<p>Цахим хуудас: <a href="http://www.open.audit.mn">www.open.audit.mn</a></p> <p>Булган аймаг 2026 он</p>	<p>Булган аймаг дахь төрийн аудитын газрын дарга бөгөөд Тэргүүлэх аудитор: Д.Батцогт Утас:7034-2580 Цахим хаяг: <a href="mailto:Bulgan@audit.gov.mn">Bulgan@audit.gov.mn</a></p> <p>Аудитын менежер: Ж.Энхцоодол Утас:9905-7478 Цахим хаяг: <a href="mailto:enkhtsoodolj@audit.gov.mn">enkhtsoodolj@audit.gov.mn</a></p> <p>Аудитор: Г.Цэрэнлхам Утас:9907-9641 Цахим хаяг: <a href="mailto:Tserenlhamg@audit.gov.mn">Tserenlhamg@audit.gov.mn</a></p>
---	--

Энэхүү аудитын тайлантай холбоотой нэмэлт мэдээллийг дээрх хаягаар авна уу.



**БУЛГАН АЙМАГ ДАХЬ  
ТӨРИЙН АУДИТЫН ГАЗАР**

Анхдагчдын өргөн чөлөө 1-120,  
Жаргалант, 5-р баг, Булган сум, Булган аймаг,  
63082, Утас/Факс: 7034-2580  
Цахим шуудан: bulgan@audit.gov.mn

2026.02.24 № 228

танай \_\_\_\_\_ ны № \_\_\_\_\_ т

АЙМГИЙН ЗАСАГ ДАРГЫН  
ТАМГЫН ГАЗРЫН ДАРГА  
Д.ЭРДЭНЭБИЛЭГ ТАНАА

**Хязгаарлалттай дүгнэлт**

Төрийн аудитын тухай хуулийн 6 дугаар зүйлийн 6.3.1, 8 дугаар зүйлийн 8.1, Төсвийн хуулийн 8 дугаар зүйлийн 8.9.1-д заасны дагуу аймгийн Засаг даргын Тамгын газрын 2025 оны 12 дугаар сарын 31-ний өдрөөрх санхүүгийн байдал, санхүүгийн үр дүн, цэвэр хөрөнгө/өмчийн өөрчлөлт, мөнгөн гүйлгээний тайлан, тодруулгууд болон төсвийн гүйцэтгэлд аудит хийлээ.

Дүгнэлтийн үндэслэл хэсэгт дурдсан буруу илэрхийлэл нь материаллаг боловч өргөн тархаагүй гэж үзсэн бөгөөд санхүүгийн тайланд үзүүлэх нөлөөг эс тооцвол 2025 оны 12 дугаар сарын 31-ний өдрөөрх санхүүгийн тайлан, төсвийн гүйцэтгэлийг Төсвийн тухай хууль, Нягтлан бодох бүртгэлийн тухай хууль, Улсын секторын нягтлан бодох бүртгэлийн олон улсын стандартад нийцүүлэн бүх материаллаг зүйлсийн хувьд үнэн зөв толилуулсан байна.

**Дүгнэлтийн үндэслэл**

Төрийн аудитын байгууллага аудит хийхдээ Аудитын дээд байгууллагын олон улсын стандарт, түүнд нийцүүлэн Монгол Улсын Ерөнхий аудиторын баталсан журам, зааврын дагуу гүйцэтгэж, аудит хийгдэх байгууллагаас хараат бус, аудиторын ёс зүйн үүрэг хариуцлагыг биелүүлж ажилласан. Бидний цуглуулсан хангалттай бөгөөд зохистой аудитын нотолгоо нь дүгнэлт өгөх үндэслэл болно.

- Айраг фестиваль-2025 арга хэмжээнд зочин төлөөлөгч хүлээн авахад 8.6 сая, Хойд бүсийн зөвлөлийн анхдугаар хуралдаан, Хойд бүсийн хөгжлийн чуулганы хүлээн авалт зэрэг арга хэмжээнд архи, вино 9.8 сая төгрөгөөр худалдан авсан,
- Аймгийн Засаг даргын тамгын газрын эзэмшлийн томилгоот албан тушаалтны амьдардаг Булган суманд байршилтай 2 орон сууцанд нийт 5.1 сая төгрөгийн гал тогооны тавилга худалдан авсан,
- Жолоочийн тооцооны хуудасгүй, автомашины шатахууны нормыг хэтрүүлэн 1.9 сая төгрөгийн шатахуун зарцуулсан,
- Засаг даргын нөөц хөрөнгө болон хөтөлбөр хэрэгжүүлэх арга хэмжээний зардлаас сум байгууллагын ойг тэмдэглэн өнгөрүүлэхэд нийт 77.0 сая төгрөгийн хандив өгсөн,
- Няrvын хувийн харилцах дансанд 54.4 сая төгрөгийг шилжүүлэн, бэлэн мөнгөөр шагнал урамшуулал, бусад арга хэмжээнд зарцуулсан боловч

6326050366

зарцуулсан нотлох баримт байхгүй,

- "АЙРАГ ФЕСТИВАЛЬ-2025" эвент арга хэмжээний наадам шоу арга хэмжээг зохион байгуулахад "B SOUND PRODUCTION"-тай 75.0 сая төгрөг, шинэ жилийн арга хэмжээнд Нутгийн удирдлагын ордны гадна 10 м өндөртэй сүлд мод, чимэглэл худалдан авахад 39.1 сая төгрөгийг хууль, журмын дагуу худалдан авах ажиллагааг зохион байгуулаагүй шууд гэрээ байгуулж хөрөнгө зарцуулсан,
- Аймгийн Засаг даргын мөрийн хөтөлбөрийг хэрэгжүүлэх дэд хөтөлбөрүүд аймгийн ИТХ-аар батлагдаагүй, тухайн дэд хөтөлбөрүүдийн хэрэгжүүлэх арга хэмжээний жилийн төлөвлөгөө батлагдаагүй байхад эрх зүйн шийдвэргүй, төсвийн хэмнэлтийн зарчмыг баримтлаагүй 564.7 сая төгрөгийг зориулалт бусаар зарцуулсан,
- Үндсэн хөрөнгөнд бүртгэлтэй барилга, тоног төхөөрөмж, тавилга эд хогшил зэрэг нийт хөрөнгө элэгдлээрээ анхны өртгөө нөхсөн хөрөнгийг актлах, дахин үнэлэх асуудлыг холбогдох эрх бүхий байгууллагад хандан шийдвэрлүүлээгүй 434.4 сая төгрөгийн хөрөнгө бүртгэлтэй зэрэг зөрчлүүд нь бидний тогтоосон материаллаг байдлын түвшнээс давсан бөгөөд дангаараа буюу нийт дүнгээрээ санхүүгийн тайланд материаллаг нөлөөтэй боловч тархаагүй байна.

Төсвийн тухай хуулийн 5 дугаар зүйлийн 5.1.3, 6 дугаар зүйлийн 6.4.1, 16 дугаар зүйлийн 16.5.5, Төрийн болон орон нутгийн өмчийн тухай хуулийн 71, 72, 73 дугаар зүйл, Төрийн болон орон нутгийн өмчийн хөрөнгөөр бараа, ажил үйлчилгээ худалдан авах тухай хуулийн 10 дугаар зүйлийн 10.3, Төрийн хэмнэлтийн тухай хуулийн 15 дугаар зүйлийн 15.1.6 дахь заалт, Засгийн газрын 2021 оны 43 дугаар тогтоол, Засгийн газрын 2019 оны 05 дугаар тогтоол, Засгийн газрын 2023 оны 444 дүгээр тогтоол, Санхүү, эдийн засгийн сайдын 2000 оны 69 дүгээр тушаал, Сангийн сайдын 2021 оны 61 дүгээр тушаал, Сангийн сайдын 2023 оны 211 дүгээр тушаал, Сангийн сайдын 2017 оны 347 дугаар тушаал, Булган аймгийн Иргэдийн төлөөлөгчдийн хурлын "Эрх шилжүүлэх тухай" 2025 оны 8 дугаар хуралдааны 55 дугаар тогтоолуудтай тус тус нийцэхгүй бөгөөд санхүүгийн тайлагналын нийцсэн бөгөөд зохистой байх батламж мэдэгдлийг хангахгүй байна.

#### **Асуудлыг онцолсон хэсэг**

Монгол Улсын Засгийн газрын 2025 оны 01 дүгээр сарын 14-ний өдрийн хуралдааны 3 дугаар тэмдэглэлээр Хойд бүсийн зөвлөлийн анхдугаар хуралдаан, Хойд бүсийн хөгжлийн чуулган, Засгийн газрын өргөтгөсөн хуралдааныг Булган аймагт зохион байгуулсан.

#### **Аудитын гол асуудал**

Аудитын гол асуудал гэдэг нь тайлант үеийн санхүүгийн тайлангийн аудитад хамгийн чухал нөлөөтэй хэмээн мэргэжлийн шүүн тунгаалтаар бидний авч үзсэн асуудал байна. Гол асуудлыг санхүүгийн тайлангийн аудитын хүрээнд бүхэлд нь харгалзаж, аудитын санал дүгнэлтээ илэрхийлэхэд авч үзсэн бөгөөд энэхүү гол асуудлын талаар бид тусад нь дүгнэлт гаргахгүй.

2025 оны төсвийн жилд улсын төсвийн орлогын бүрдүүлэлтээс шалтгаалсан төсвийн зарлагын хязгаарлалт хийгдсэн, "Төсвийн сахилга бат, хариуцлагыг чангатгах тухай" Монгол Улсын Ерөнхий сайдын 2025 оны 12 дугаар сарын 10-ны өдрийн 05 дугаар албан даалгаврын хэрэгжилтийг хангаж ажиллаагүй байна.

#### **Бусад асуудлын хэсэг**

Нийгмийн халамж, цалин хөлстэй холбоотой 2025 онд төрийн албан

хаагчийн цалин, тэтгэврийн хэмжээг 6 хувиар нэмэгдүүлсэн, "Эхийн алдар" одонтой эхийн мөнгөн тэтгэмжийг хоёр дахин нэмэгдүүлсэн, хөдөлмөрийн хөлсний доод хэмжээг 20 хувиар нэмэгдүүлж, 792.0 мянган төгрөг болгосон, ахмад настны тухай хуульд ахмад настан хөдөлмөрийн гэрээгээр ажиллах тохиолдолд тэтгэврийн даатгалын төрөлд даатгуулахгүй байж болох хууль, эрх зүйн өөрчлөлт мөрдөгдөж эхэлсэн байна.

#### **Санхүүгийн тайланд төсвийн захирагчийн хүлээх үүрэг, хариуцлага**

Төсвийн захирагч санхүүгийн тайлан, төсвийн гүйцэтгэлийг Төсвийн тухай хууль, Нягтлан бодох бүртгэлийн тухай хууль, Улсын секторын нягтлан бодох бүртгэлийн олон улсын стандартын дагуу үнэн зөв бэлтгэж толилуулах үүрэгтэй.

Санхүүгийн тайланг залилан эсвэл алдааны улмаас үүсэх материаллаг буруу илэрхийлэлгүй бэлтгэхэд шаардлагатай гэж үзсэн дотоод хяналтыг тодорхойлж, хэрэгжүүлэх үүрэг хариуцлага хүлээнэ.

#### **Төрийн аудитын байгууллагын үүрэг, хариуцлага**

Төрийн аудитын байгууллага залилан эсвэл алдааны улмаас үүсэх материаллаг буруу илэрхийллээс санхүүгийн тайлан бүхэлдээ ангид эсэх талаарх үндэслэлтэй баталгаажуулалт олж авах, дүгнэлт, зөвлөмж бүхий аудитын тайлан гаргах зорилготой.

Үндэслэлтэй баталгаажуулалт нь дээд түвшнийх боловч үнэмлэхүй түвшний баталгаажуулалт биш бөгөөд АДБОУС-ын дагуу хийсэн аудитаар бүх материаллаг буруу илэрхийлэл бүрийг илрүүлнэ гэсэн баталгаа болохгүй юм.

Буруу илэрхийлэл нь залилан эсвэл алдаанаас үүсэж болох бөгөөд дангаараа эсвэл нийлээд уг санхүүгийн тайланд үндэслэн гарах хэрэглэгчдийн эдийн засгийн шийдвэрт нөлөөлөх үндэслэлтэй байвал материаллаг гэж үздэг.

ДАРГА,  
ТЭРГҮҮЛЭХ АУДИТОР



Д.БАТЦОГТ

**Хоёр. Санхүүгийн ба төсвийн гүйцэтгэлийн тайлангийн гол үзүүлэлтүүд**

		(мянган төгрөгөөр)	
Үзүүлэлт		2024.12.31	2025.12.31
<b>Санхүүгийн байдлын тайлан</b>			
	Эргэлтийн хөрөнгийн дүн	775,236.5	3,489,577.1
	Эргэлтийн бус хөрөнгийн дүн	8,422,073.9	10,137,247.6
	<b>Нийт хөрөнгийн дүн</b>	<b>9,197,310.4</b>	<b>13,626,824.7</b>
	Нийт өр төлбөрийн дүн	162,669.6	45,754.3
	Цэвэр хөрөнгө/өмчийн дүн	9,034,640.8	13,581,070.4
	<b>Өр төлбөр, цэвэр хөрөнгө/өмчийн дүн</b>	<b>9,197,310.4</b>	<b>13,626,824.7</b>
<b>Санхүүгийн үр дүнгийн тайлан</b>			
	Үйл ажиллагааны орлогын дүн	10,962,710.8	14,377,489.6
	Үйл ажиллагааны зардлын дүн	9,851,653.2	9,830,573.9
	<b>Үйл ажиллагааны үр дүн</b>	<b>1,111,057.6</b>	<b>4,546,915.7</b>
	Үйл ажиллагааны бус үр дүн	-	(486.1)
	<b>Үйл ажиллагааны нийт үр дүн</b>	<b>1,111,057.6</b>	<b>4,546,429.6</b>
<b>Цэвэр хөрөнгө/өмчийн өөрчлөлтийн тайлан</b>			
	Дахин илэрхийлсэн үлдэгдэл	929,405.9	912,647.0
	Тайлант оны үр дүн	(16,758.9)	(432,176.1)
	<b>Эцсийн үлдэгдэл</b>	<b>912,647.0</b>	<b>480,470.9</b>
<b>Мөнгөн гүйлгээний тайлан</b>			
	Үйл ажиллагааны мөнгөн орлогын дүн	9,918,718.1	12,353,274.2
	Үйл ажиллагааны мөнгөн зарлагын дүн	9,832,434.4	12,218,230.9
	<b>Үйл ажиллагааны ЦМГ</b>	<b>86,283.7</b>	<b>135,043.3</b>
	<b>Хөрөнгө оруулалтын ЦМГ</b>	<b>(86,283.6)</b>	<b>(135,043.3)</b>
	<b>Санхүүгийн ажиллагааны ЦМГ</b>	-	-
	<b>Нийт цэвэр мөнгөн гүйлгээ</b>	<b>0.1</b>	<b>10.0</b>
	Мөнгө, түүнтэй адилтгах хөрөнгийн эхний үлдэгдэл	10.1	10.0
	Мөнгө, түүнтэй адилтгах хөрөнгийн эцсийн үлдэгдэл	10.0	-
<b>Төсвийн гүйцэтгэлийн тайлан</b>			
	<b>Нийт зарлага ба цэвэр зээлийн дүн</b>	-	<b>7,763,071.0</b>
	Урсгал зардал	-	7,763,071.0
	Хөрөнгийн зардал	-	-
	<b>Зардлыг санхүүжүүлэх эх үүсвэр</b>	-	<b>7,763,061.0</b>
	Улсын төсвөөс санхүүжих	-	7,674,959.5
	Төсөвт байгууллагын үйл ажиллагаанаас	-	88,101.5

**Гурав. Байгууллага, түүний үйл ажиллагаа**

Аймгийн Засаг даргын Тамгын газар нь эрхэм зорилгоо “Оюун мэдлэгийг дээдэлсэн амгалан тайван, элбэг, хангалуун амьдрал бүхий иргэдтэй, үйлдвэрлэл бизнест ээлтэй, олон тулгуурт хөгжлийн загварыг хэрэгжүүлж, цэцэглэн хөгжсөн аймаг болох” гэж тодорхойлсон байна.

Аймгийн Засаг даргын 2024-2028 оны үйл ажиллагааны “Булганы сэргэлт” үйл ажиллагааны мөрийн хөтөлбөрийг Хүний хөгжлийн бодлого, Эдийн засаг, Ногоон

хөгжил, Дэд бүтэц, Засаглалын бодлого, Амар тайван аюулгүй нийгэм, Бүс орон нутгийн бодлогыг хэрэгжүүлэхээр дараах зорилтын хүрээнд ажилласан байна. Үүнд:

1. Мэдлэг боловсрол, мэдээллийн технологийн дэвшил, ногоон үйлдвэрлэлийн технологид суурилах ба уул уурхайд түшиглэсэн хөдөө аж ахуй, аялал, жуулчлал, палеонтологи, археологи, экологи, үйлдвэрлэлийн салбарыг дэмжиж эдийн засгийн тогтвортой өсөлөтийг бий болгох,
2. Иргэд, хүүхэд залууст олон талт боловсролыг хүртээмжтэй олгох нөхцөл бүрдүүлэн, гэр бүл, сургуулийн орчинд зөв төлөвшил, хүмүүжил, сурах арга барил эзэмшүүлэх, соён гэгээрүүлэх замаар аль ч орны хөдөлмөрийг зах зээлд өрсөлдөх чадвартай мэргэжилтэн бэлтгэх,
3. Төрийн үйлчилгээг харилцаа, хандлагын өндөр түвшинд хүргэж, хувь хүний халдашгүй байдал, хууль ёсны эрх ашгаа хамгаалуулах, шударгаар шийдвэрлүүлэх, авлига, хүнд сурталгүй, нээлттэй, ил тод, хүчирхийллээс ангид, айдасгүй амьдрах нөхцөлийг бүрдүүлнэ,
4. Аймгийн хүн бүрт ниймийн суурь үйлчилгээг тэгш, хүртээмжтэй хүргэх, эрүүл мэндийг хамгаалах, аливаа өвчлөлөөс урьдчилан сэргийлэх, өвчнийг эрт үед нь илрүүлэх, оношлох, эрүүл зөв дадал хэвшилтэй, идэвхитэй амьдралын хэв маягийг хэвшүүлэх замаар дундаж наслалтыг нэмэгдүүлэх,
5. Говь цөлийн бүсийн байгаль орчны тэнцвэрт байдлыг хангах, хүрээлэн буй орчны унаган төрхийг хэвээр хадгалан үлдээх, хүний буруутай үйл ажиллагаа, уул уурхайн хайгуул, олборлолт, дэд бүтэц, үйлдвэрлэлээс байгальд үзүүлэх сөрөг нөлөөллөөс урьдчилан сэргийлэх, байгаль орчны хэтийн бодлогын удирдлагыг орон нутгийн түвшинд оновчтой төлөвлөх, хэрэгжүүлэх, тэдгээрт хяналт тавих,

Тайлант онд гүйцэтгэлийн төлөвлөгөөг 48 зорилтын хүрээнд 186 арга хэмжээг хэрэгжүүлэхээр төлөвлөж, аймгийн засаг даргын 2025 оны А/815 дугаар захирамжаар 90.5 хувьтай үнэлүүлэн “маш сайн” үнэлгээг авсан байна.

#### **Байгууллагын гадаад, дотоод орчин**

Тус байгууллага нь үйл ажиллагаандаа Авилгын эсрэг хууль, Архив, албан хэрэг хөтлөлтийн тухай хууль, Иргэний эрүүл мэндийн даатгалын тухай хууль, Нийгмийн даатгалын багц хуулиуд, Нягтлан бодох бүртгэлийн тухай хууль, Татварын ерөнхий хууль, Төрийн албаны тухай хууль, Төрийн аудитын тухай хууль, Төрийн болон орон нутгийн өмчийн тухай хууль, Төрийн болон орон нутгийн өмчийн хөрөнгөөр бараа, ажил үйлчилгээ худалдан авах тухай хууль, Төсвийн тухай хууль, Хөдөлмөрийн тухай хууль, Хувь хүний орлогын албан татварын тухай хууль, Шилэн дансны тухай хууль, тогтоомж, Сангийн сайдын холбогдох журам, заавруудыг мөрдлөг болгон ажилласан байна.

Тайлант хугацаанд үйл ажиллагаа, санхүү нягтлан бодох бүртгэлд мөрдөх хууль, тогтоомж, бодлого чиглэлд дараах өөрчлөлт орсон байна. Үүнд:

- Монгол Улсын 2025 оны төсвийн тухай хуульд өөрчлөлт оруулах тухай;
- Төсвийн тухай хууль,
- Монгол Улсын Ерөнхий сайдын 2025 оны 05 дугаар албан даалгавар

- “Булган аймгийн 2025 оны төсөв батлах тухай” аймгийн иргэдийн Төлөөлөгчдийн хурлын 2024 оны IV/26 дугаар тогтоол

Байгууллагын удирдлагын хэрэгжүүлж буй дотоод хяналтаас төлөвлөлтийн үе шатанд аудитад хамааралтай хяналтыг авч үзэж, гүйцэтгэх үе шатанд хяналтын сорил гүйцэтгэсний үр дүнд дотоод хяналтын үйл ажиллагааны зохион байгуулалт, хэрэгжилт үр нөлөөгүй байна гэж үзлээ.

Дотоод аудитын чиг үүрэг, түүний гүйцэтгэсэн ажлын найдвартай байдлын талаар ойлголт олж авснаар дотоод аудитын гүйцэтгэсэн ажлыг аудитад ашиглах, дотоод аудитораас шууд туслалцаа авах шаардлагагүй гэж үзлээ.

#### **Дөрөв. Асуудлын онцолсон хэсэг ба бусад асуудлын хэсэг**

Монгол Улсын Засгийн газрын 2025 оны 01 дүгээр сарын 14-ний өдрийн хуралдааны 3 дугаар тэмдэглэлээр Хойд бүсийн зөвлөлийн анхдугаар хуралдаан, Хойд бүсийн хөгжлийн чуулган, Засгийн газрын өргөтгөсөн хуралдааныг Булган аймагт зохион байгуулсан.

Нийгмийн халамж, цалин хөлстэй холбоотой 2025 онд төрийн албан хаагчийн цалин, тэтгэврийн хэмжээг 6 хувиар нэмэгдүүлсэн, “Эхийн алдар” одонтой эхийн мөнгөн тэтгэмжийг хоёр дахин нэмэгдүүлсэн, хөдөлмөрийн хөлсний доод хэмжээг 20 хувиар нэмэгдүүлж, 792.0 мянган төгрөг болгосон, ахмад настны тухай хуульд ахмад настан хөдөлмөрийн гэрээгээр ажиллах тохиолдолд тэтгэврийн даатгалын төрөлд даатгуулахгүй байж болох хууль, эрх зүйн өөрчлөлт мөрдөгдөж эхэлсэн байна.

#### **Тав. Аудитын гол асуудал**

Аудитын гол асуудал гэдэг нь тайлант үеийн санхүүгийн тайлангийн аудитад хамгийн чухал нөлөөтэй хэмээн мэргэжлийн шүүн тунгаалтаар бидний авч үзсэн асуудал байна. Гол асуудлыг санхүүгийн тайлангийн аудитын хүрээнд бүхэлд нь харгалзаж, аудитын санал дүгнэлтээ илэрхийлэхэд авч үзсэн бөгөөд энэхүү гол асуудлын талаар бид тусад нь дүгнэлт гаргахгүй.

2025 оны төсвийн жилд улсын төсвийн орлогын бүрдүүлэлтээс шалтгаалсан төсвийн зарлагын хязгаарлалт хийгдсэн, “Төсвийн сахилга бат, хариуцлагыг чангатгах тухай” Монгол Улсын Ерөнхий сайдын 2025 оны 12 дугаар сарын 10-ны өдрийн 05 дугаар албан даалгаврын хэрэгжилтийг хангаж ажиллаагүй байна.

#### **Зургаа. Санхүүгийн тайлангийн аудитаар шалгасан нийцлийн аудитын асуудал**

АДБООС 4000.16-д нийцлийн аудитыг санхүүгийн тайлангийн аудиттай хослуулан хийх тохиолдолд аудитор аль стандартыг дагаж мөрдөхийг үнэлэх, нийцлийн асуудлын талаарх дүгнэлтийг санхүүгийн тайланд өгөх аудиторын дүгнэлтээс тусад нь салгах хэрэгтэй гэж заасан байна. Нийцлийн асуудлаар илэрсэн 2 зөрчилд зөвлөмж өглөө.

#### **Шилэн дансны тухай хуулийн хэрэгжилт**

Шилэн дансны тухай хуулийн 6 дугаар зүйл, Засгийн газрын 2016 оны 29 дүгээр тогтоолоор баталсан “Шилэн дансны цахим хуудсанд тавих мэдээллийн агуулга, нийтлэг стандартыг тогтоох журам”-ын заалтыг хэрэгжүүлэх зорилгоор

www.shilendans.gov.mn цахим хуудсанд холбогдох мэдээллийг оруулсан байх үүрэгтэй.

Шилэн дансны цахим системд нийт 29 төрлийн 183 мэдээллийг хуулийн хугацаанд ил тод мэдээлэхээс 178 мэдээллийг хугацаанд нь, 5 мэдээлэл хугацаа болооогүй, мэдээлэл тус бүрийн хавсралт файл буюу нотлох баримтыг мэдээлээгүй, байгууллагын ерөнхий мэдээллийг дутуу мэдээлсэн байна.

*Шийдвэрлэсэн нь:* Шилэн дансны цахим сайтад байршуулах мэдээллийг хуульд заасан хугацаанд байршуулж ажиллах, зөрчлийг давтан гаргахгүй байх зөвлөмж өгөв.

#### **Бусад хууль тогтоомжийн хүрээнд**

*Илрүүлэлт 1:* Архив албан хэрэг хөтлөлтийн хэвлэмэл хуудас болон үнэт цаасны тайлан хийж ажиллаагүй байна.

Энэ нь Сангийн сайдын 2017 оны 347 дугаар тушаалаар баталсан “Өмчийн бүх хэлбэрийн аж ахуйн нэгж, байгууллагад нийтлэг хэрэглэгдэх анхан шатны бүртгэлийн маягтыг нөхөх заавар”, Нягтлан бодох бүртгэлийн тухай хуулийн 20 дугаар зүйлийн 20.2.3-д “холбогдох олон улсын стандарт, эрх бүхий төрийн байгууллагаас баталсан нягтлан бодох бүртгэлийн стандарт, журам, заавар, энэ хуулийн 6 дугаар зүйлд заасан зарчмыг баримтлан нягтлан бодох бүртгэл хөтөлж, санхүүгийн тайлан гаргах” гэж заасантай нийцэхгүй байна.

*Шийдвэрлэсэн нь:* Байгууллагын албан тоот, тушаал гэх мэт хэвлэмэл болон улсын байцаагчийн үнэт цаасыг бодитоор тоолж, тайланг хариуцсан ажилтнаар гаргуулж хэвших зөвлөмж өглөө.

Нийцсэн бөгөөд зохистой байх батламж мэдэгдлийн түвшинд хэрэгжүүлсэн горим сорилд үндэслэн шилэн дансанд байршуулсан мэдээлэл нь шилэн дансны тухай болон бусад хууль тогтоомжийн хүрээнд холбогдох хуулийн заалт, шалгуурт нийцээгүй гэж дүгнэлээ.

#### **Долоо. Дараагийн аудитаар анхаарах асуудал**

Гадаад албан томилолтын зардлыг зардлын эдийн засгийн ангилал, зориулалтын дагуу зарцуулсан эсэх, анхны өртгөөрөө элэгдлээ нөхсөн үндсэн хөрөнгө, дансны ангилал, хөтөлбөр арга хэмжээний зардлыг зориулалтын дагуу зарцуулсан эсэхэд дараагийн аудитаар анхаарч үзэх нь зүйтэй гэж үзлээ.

Мөн ТЕЗ-ийн 2025 оны санхүүгийн нэгтгэсэн тайланд цэргийн штабын санхүүгийн тайлан төсвийн шууд захирагчаар тайлагнагдсан эсэх, 2023 оны санхүүгийн жилд ХХААГ-ын нэмэлт санхүүжилтийн дансаар зарцуулсан оёдлын үйлдвэрийг дэмжих зорилгоор олгосон 40.0 сая төгрөгийн зориулалт бус зарцуулалтад гаргасан аудитын шийдвэрийн хэрэгжилтийг хангуулахад анхаарч үзэх нь зүйтэй гэж үзлээ.

#### **Найм. Аудитын илрүүлэлт:**

Аудитаар нийт 226.3 сая төгрөгийн 1 алдаа<sup>1</sup> илэрснээс аудитын явцад 226.3 сая төгрөгийн алдааг бүрэн залрууллаа.

Аудитаар нийт 729.6 сая төгрөгийн 12 зөрчил<sup>2</sup> илэрснээс, 25.8 сая төгрөгийн 4 зөрчилд төлбөрийн акт тогтоож, 262.8 мянган төгрөгийн 6 зөрчилд албан шаардлага хүргүүлж, 441.0 сая төгрөгийн 2 зөрчилд зөвлөмж өглөө.

Нийт илрүүлсэн алдаа, зөрчлөөс залруулагдаагүй 729.6 сая төгрөгийн зөрчил нь бидний тогтоосон материаллаг байдлын түвшнээс 631.1 сая төгрөгөөр давсан тул “Хязгаарлалттай” дүгнэлт өглөө.

### Төлбөрийн акт

*Илрүүлэлт 1:* Жолоочийн тооцооны хуудсаар шатахуун зарцуулалтыг бодоогүй, спидометрийн заалт зөрүүтэй, хяналт, арвилан хэмнэлтгүй зарцуулсан байна. Энэ нь Төсвийн тухай хуулийн 5 дугаар зүйлийн 5.1.3, 6 дугаар зүйлийн 6.4.1, 16 дугаар зүйлийн 16.5.1, 16.5.5, Нягтлан бодох бүртгэлийн тухай хуулийн 13 дугаар зүйл, 18 дугаар зүйлийн 18.1, Зам, тээвэр хөгжлийн сайдын 2019 оны 390 дүгээр тушаалаар баталсан "Жишиг норм батлах тухай" журамтай нийцсэн бөгөөд зохистой байх, эрх ба үүрэг батламж мэдэгдэлтэй нийцэхгүй байна.

*Шийдвэрлэсэн нь:* Жолоочийн тооцооны хуудасгүй, норм нормативаас хэтрүүлэн зарцуулсан 1.9 сая төгрөгийг төсөвт төвлөрүүлэх төлбөрийн акт тогтоолоо.

*Илрүүлэлт 2:* Төсвийн хэмнэлтийн зарчмыг хэрэгжүүлээгүй, айраг фестиваль-2025 арга хэмжээнд зочин төлөөлөгч хүлээн авалт, ус, ундааг зах зээлийн үнээс хэт өндөр дүнгээр худалдан авч зарцуулсан байна. Энэ нь Төсвийн тухай хуулийн 5 дугаар зүйлийн 5.1.3, 6 дугаар зүйлийн 6.4.1, 16 дугаар зүйлийн 16.5.1, 16.5.5, Нягтлан бодох бүртгэлийн тухай хуулийн 18 дугаар зүйлийн 18.1, Төрийн хэмнэлтийн тухай хуулийн 15 дугаар зүйлийн 15.1.6, Засгийн газрын 2021 оны 43 дугаар тогтоол "Төсвийн хэмнэлтийн талаар авах арга хэмжээний тухай" зэрэг эрх зүйн шийдвэрүүдтэй зөрчилдөж, нийцсэн бөгөөд зохистой байх, эрх ба үүрэг батламж мэдэгдэлтэй нийцэхгүй байна.

*Шийдвэрлэсэн нь:* Хүлээн авалтын арга хэмжээнд зарцуулсан 8.6 сая төгрөгийг төсөвт төвлөрүүлэх төлбөрийн акт тогтоолоо.

*Илрүүлэлт 3:* Төсвийн хэмнэлтийн зарчмыг хэрэгжүүлээгүй, хойд бүсийн зөвлөгөөнд согтууруулах ундааны зүйлийг нийт 9.8 сая төгрөгөөр худалдан авч зарцуулсан байна. Энэ нь Төсвийн тухай хуулийн 5 дугаар зүйлийн 5.1.3, 6 дугаар зүйлийн 6.4.1, 16 дугаар зүйлийн 16.5.1, 16.5.5, Нягтлан бодох бүртгэлийн тухай хуулийн 18 дугаар зүйлийн 18.1, Төрийн хэмнэлтийн тухай хуулийн 15 дугаар зүйлийн 15.1.6, Засгийн газрын 2021 оны 43 дугаар тогтоол "Төсвийн хэмнэлтийн талаар авах арга хэмжээний тухай" зэрэг эрх зүйн шийдвэрүүдтэй

<sup>1</sup> Мэдээллийг тусгахгүй орхигдуулах, буруу тусган илэрхийлэх, үүнд, математик үйлдлийн алдаа, НББ-ийн бодлогыг мөрдөхөд гарсан алдаа, бодит байдлыг буруу тайлбарласан /буруу ойлгосон/, хайнга хандсан /мартсан, тэмдэглээгүй орхисон/,

<sup>2</sup> Хүчин төгөлдөр үйлчилж буй хууль тогтоомжид харшлах байгууллага, түүний удирдлага, байгууллагад ажилладаг бусад хувь хүний санаатай болон санамсаргүй үйлдэл, эс үйлдэл

зөрчилдөж, нийцсэн бөгөөд зохистой байх, эрх ба үүрэг батламж мэдэгдэлтэй нийцэхгүй байна.

*Шийдвэрлэсэн нь:* Төсвийн хөрөнгөөр согтууруулах ундааны зүйл худалдаж авсан 9.8 сая төгрөгийг төсөвт төвлөрүүлэх төлбөрийн акт тогтоолоо.

*Илрүүлэлт 4:* Төсвийн хэмнэлтийн зарчмыг хэрэгжүүлээгүй, албан тушаалын 2 орон сууцанд гал тогооны тавилга 5.4 сая төгрөгөөр худалдан авсан байна. Энэ нь Төсвийн тухай хуулийн 5 дугаар зүйлийн 5.1.3, 6 дугаар зүйлийн 6.4.1, 16 дугаар зүйлийн 16.5.1, 16.5.5, Нягтлан бодох бүртгэлийн тухай хуулийн 13 дугаар зүйл, 18 дугаар зүйлийн 18.1, Төрийн хэмнэлтийн тухай хуулийн 15 дугаар зүйлийн 15.1.6, Засгийн газрын 2021 оны 43 дугаар тогтоолтой зөрчилдөж, нийцсэн бөгөөд зохистой байх, эрх ба үүрэг батламж мэдэгдэлтэй нийцэхгүй байна.

*Шийдвэрлэсэн нь:* Төсвийн хөрөнгөөр албан тушаалын байр тохижуулсан 5.4 сая төгрөгийг төсөвт төвлөрүүлэх төлбөрийн акт тогтоолоо.

## **Албан шаардлага**

*Илрүүлэлт 1:* Цэргийн дүйцүүлэх албаны мөнгөн төлбөрийн орлогоос нэр бүхий 7 албан тушаалтанд идэвх, санаачилгатай ажилласан гэх нотлох баримтгүй, аймгийн ЗДТГ-ын даргын тушаалаар урамшуулал 3.5 сая төгрөгийг олгосон байна.

Энэ нь Төсвийн тухай хуулийн 5 дугаар зүйлийн 5.1.3, 6 дугаар зүйлийн 6.4.1, 16 дугаар зүйлийн 16.5.1, 16.5.5, Төрийн хэмнэлтийн тухай хуулийн 15 дугаар зүйлийн 15.1.3 Засгийн газрын 2016 оны 215 дугаар тогтоолоор баталсан "Цэргийн дүйцүүлэх албыг мөнгөн төлбөрийн хэлбэрээр орлуулан хаах иргэний тоо бүртгэл хөтлөх, мөнгөн төлбөрийг төлөх, хураан авах, төлбөрийн орлогыг ашиглах журам"-ын 4.1.9 дэх заалтуудтай нийцэхгүй байна.

*Шийдвэрлэсэн нь:* Нэр бүхий албан тушаалтанд зориулалт бусаар урамшуулал олгосон зөрчлийг арилгаж, давтан гаргахгүй байх албан шаардлага хүргүүлэв.

*Илрүүлэлт 2:* Засаг даргын нөөц сан, хөтөлбөр арга хэмжээ хэрэгжүүлэх зардлаас 54.4 сая төгрөгийг нярвын харилцах дансанд шилжүүлэн зарцуулсан байна. Энэ нь Төсвийн тухай хуулийн 5 дугаар зүйлийн 5.1.3, 6 дугаар зүйлийн 6.4.1, 16 дугаар зүйлийн 16.5.1, 16.5.5 дахь заалт, Засгийн газрын 2023 оны 444 дүгээр тогтоол "Төрийн сангийн үйл ажиллагааны журам"-тай нийцэхгүй байна.

*Шийдвэрлэсэн нь:* Гэрээ байгуулаагүй, хувийн харилцах дансанд шилжүүлэн бэлэн мөнгө авч зарцуулсан зөрчлийг арилгаж, давтан гаргахгүй байх албан шаардлага хүргүүлэв.

*Илрүүлэлт 3:* Цэргийн дүйцүүлэх албаны батлагдсан тээвэр, шатахууны зардлын төсвийг хэтрүүлсэн, аж ахуйн материал, сэлбэг хэрэгслийн дансны гүйлгээг цаг хугацааны дэс дарааллаар ажил гүйлгээ бүрээр бус бөөн дүнгээр нийт 13.8 сая төгрөгийг бүртгэж тайлагнасан байна.

Энэ нь Төсвийн тухай хуулийн 5 дугаар зүйлийн 5.1.3, 6 дугаар зүйлийн 6.4.1, 16 дугаар зүйлийн 16.5.1, 16.5.5 дахь заалт, Засгийн газрын 2016 оны 215 дугаар тогтоолоор баталсан "Цэргийн дүйцүүлэх албыг мөнгөн төлбөрийн хэлбэрээр

орлуулан хаах иргэний тоо бүртгэл хөтлөх, мөнгөн төлбөрийг төлөх, хураан авах, төлбөрийн орлогыг ашиглах журам"-ын 4.1.9 дэх заалтуудтай нийцэхгүй байна.

*Шийдвэрлэсэн нь:* Ажил гүйлгээг цаг хугацааны дэс дарааллаар бус бөөн дүнгээр ерөнхий журналд бүртгэсэн зөрчлийг арилгаж, давтан гаргахгүй байх албан шаардлага хүргүүлэв.

*Илрүүлэлт 4:* Хялганат тосгоны ЗАА, Баян-Агт сум, Орхон сумын ЗДТГ, Булган сумын 1-р сургууль, Бүрэгхангай сум, Хутаг-Өндөр сумын ЕБС, Хүүхэд гэр бүл залуучуудын хөгжлийн газар, Хялганат тосгоны Эрүүл мэндийн төв, АТҮТ-ийн Булган салбарт Засаг даргын нөөц хөрөнгөөс ой тэмдэглэн өнгөрүүлэх арга хэмжээнд нийт 77.0 сая төгрөгийг хандивласан байна.

Энэ нь Төсвийн тухай хуулийн 5 дугаар зүйлийн 5.1.3, 6 дугаар зүйлийн 6.4.1, 16 дугаар зүйлийн 16.5.1, 16.5.5, Төрийн хэмнэлтийн тухай хуулийн 4 дүгээр зүйлийн 4.2.6 дахь заалт, Сангийн сайдын 2021 оны 61 дүгээр тушаалаар баталсан "Засаг даргын нөөц хөрөнгийн зориулалт, зарцуулалтын журам"-тай нийцэхгүй байна.

*Шийдвэрлэсэн нь:* Нэр бүхий албан тушаалтанд зориулалт бусаар урамшуулал олгосон зөрчлийг арилгаж, давтан гаргахгүй байх албан шаардлага хүргүүлэв.

*Илрүүлэлт 5:* "АЙРАГ ФЕСТИВАЛЬ-2025" эвэнт арга хэмжээний урлагийн наадам шоуны гүйцэтгэгчийг сонгохдоо худалдан авах ажиллагааны хууль, журмын дагуу зохион байгуулаагүй, "B SOUND PRODUCTION"-тай шууд гэрээ байгуулан, 4 удаагийн гүйлгээгээр 75.0 сая төгрөгийг зарцуулсан байна.

Энэ нь Төсвийн тухай хуулийн 5 дугаар зүйлийн 5.1.3, 6 дугаар зүйлийн 6.4.1, 16 дугаар зүйлийн 16.5.1, 16.5.5, Төрийн болон орон нутгийн өмчийн хөрөнгөөр бараа ажил, үйлчилгээ худалдан авах тухай хуулийн 10 дугаар зүйлийн 10.2, 10.3, 18 дугаар зүйлийн 18.1-т заасантай нийцэхгүй байна.

*Шийдвэрлэсэн нь:* Нэр бүхий албан тушаалтанд зориулалт бусаар урамшуулал олгосон зөрчлийг арилгаж, давтан гаргахгүй байх албан шаардлага хүргүүлэв.

*Илрүүлэлт 6:* Нутгийн удирдлагын ордны гадна 10 метр өндөртэй сүлд мод, чимэглэлийг "Гангантөгс трейд" ХХК, "Хашака" ХХК-иудтай шууд гэрээ байгуулан, худалдан авах ажиллагааг хууль, журмын дагуу зохион байгуулаагүй 39.1 сая төгрөгийг зарцуулсан байна.

Энэ нь Төсвийн тухай хуулийн 5 дугаар зүйлийн 5.1.3, 6 дугаар зүйлийн 6.4.1, 16 дугаар зүйлийн 16.5.1, 16.5.5, Төрийн болон орон нутгийн өмчийн хөрөнгөөр бараа ажил, үйлчилгээ худалдан авах тухай хуулийн 10 дугаар зүйлийн 10.2, 10.3, 18 дугаар зүйлийн 18.1-т заасантай нийцэхгүй байна.

*Шийдвэрлэсэн нь:* Нэр бүхий албан тушаалтанд зориулалт бусаар урамшуулал олгосон зөрчлийг арилгаж, давтан гаргахгүй байх албан шаардлага хүргүүлэв.

Цаашид анхаарвал зохих асуудлыг тэргүүлэх ач холбогдлын дарааллаар эрэмбэлэн харуулав. Үүнд:

### Үндсэн хөрөнгөтэй холбоотой асуудал

*Илрүүлэлт 1:* Тавилга, эд хогшил, тоног төхөөрөмж дансанд 12 нэр төрлийн хөрөнгийн ашиглах хугацаанд 0, -1 гэж утгаар оруулснаас тайлант хугацааны элэгдлийн зардлыг дутуу тайлагнасан байна.

Энэ нь Төсвийн тухай хуулийн 5 дугаар зүйлийн 5.1.3, 16 дугаар зүйлийн 16.5.1, 16.5.5 дахь заалт, Нягтлан бодох бүртгэлийн тухай хуулийн 13 дугаар зүйл, 18 дугаар зүйлийн 18.1 дэх хэсэг, Төрийн болон орон нутгийн өмчийн тухай хуулийн 71, 72, 73 дугаар зүйл, ТӨБЗГ-ын "Төрийн болон орон нутгийн өмчид эд хөрөнгө олж авах, бүртгэх, данснаас хасах, шилжүүлэх журам" 2019 оны 271 дүгээр тогтоол, Булган аймгийн Иргэдийн төлөөлөгчдийн хурлын "Эрх шилжүүлэх тухай" 2025 оны 8 дугаар хуралдааны 55 дугаар тогтоолтой нийцэхгүй байна.

*Өгсөн зөвлөмж:* УСНББОУС-38-ийн биет бус хөрөнгө хүлээн зөвшөөрөх шалгуурт нийцсэн хөрөнгийг биет бус хөрөнгөөр бүртгэж байх.

*Илрүүлэлт 2:* Үндсэн хөрөнгөнд бүртгэлтэй барилга, тоног төхөөрөмж, тавилга эд хогшил зэрэг нийт 278 нэр төрлийн хөрөнгө элэгдлээрээ анхны өртгөө нөхсөн хөрөнгийг актлах, дахин үнэлэх асуудлыг холбогдох эрх бүхий байгууллагад хандан шийдвэрлүүлээгүй байна.

Энэ нь Төсвийн тухай хуулийн 5 дугаар зүйлийн 5.1.3, 16 дугаар зүйлийн 16.5.1, 16.5.5 дахь заалт, Нягтлан бодох бүртгэлийн тухай хуулийн 13 дугаар зүйл, 18 дугаар зүйлийн 18.1 дэх хэсэг, Төрийн болон орон нутгийн өмчийн тухай хуулийн 71, 72, 73 дугаар зүйл, ТӨБЗГ-ын "Төрийн болон орон нутгийн өмчид эд хөрөнгө олж авах, бүртгэх, данснаас хасах, шилжүүлэх журам" 2019 оны 271 дүгээр тогтоол, Булган аймгийн Иргэдийн төлөөлөгчдийн хурлын "Эрх шилжүүлэх тухай" 2025 оны 8 дугаар хуралдааны 55 дугаар тогтоолтой нийцэхгүй байна.

*Өгсөн зөвлөмж:* Элэгдлээрээ анхны өртгөө нөхсөн боловч цаашид ашиглах боломжтой үндсэн хөрөнгийн ашиглах хугацаа, үнийг шинэчлэн тогтоож, саналыг ТӨБЗГ-т хүргүүлж, шийдвэрлүүлж ажиллах.

Дээрх зөвлөмжийн биелэлтийг төрийн аудитын байгууллагад 2026 оны 09 дүгээр сарын 10-ны өдрийн дотор ирүүлнэ үү.

Аудитын явцад бидэнтэй хамтран ажилласан холбогдох ажилтнуудад талархал илэрхийлье.



Жолоочийн тооцооны хуудсаар шатахуун зарцуулалтыг бодоогүй, спидометрийн заалт зөрүүтэй, хяналт, арвилаг хэмнэлттгүй зарцуулсан.	1	1.9	1	1.9															
Айраг фестиваль-2025 арга хэмжээний хүлээн авалтад ус, ундааг зах зээлийн үнээс хэт өндөр дүнгээр худалдан авч зарцуулсан.	1	8.6	1	8.6															
Төсвийн хэмнэлтийн зарчмыг хэрэгжүүлээгүй, хойд бүсийн зөвлөгөөнд согтууруулах ундааны зүйл худалдан авч зарцуулсан.	1	9.8	1	9.8															
Цэргийн дүйцүүлэх албаны мөнгөн төлбөрийн орлогоос 7 албан тушаалтанд урамшуулал олгосон.	1	3.5			1	3.5													
Засаг даргын нөөц сан, хөтөлбөр арга хэмжээ хэрэгжүүлэх зардлаас 54.4 сая төгрөгийг нярвын харилцах дансанд шилжүүлэн зарцуулсан.	1	54.4			1	54.4													
Цэргийн дүйцүүлэх албаны аж ахуйн материал, сэлбэг хэрэгслийн дансны гүйлгээг бөөн дүнгээр бүртгэж тайлагнасан.	1	13.8			1	13.8													
Засаг даргын нөөц хөрөнгөөс ой тэмдэглэн өнгөрүүлэх арга хэмжээнд 77.0 сая төгрөгийг зарцуулсан.	1	77.0			1	77.0													
"АЙРАГ ФЕСТИВАЛЬ-2025" арга хэмжээ зохион байгуулахдаа худалдан авах ажиллагааны хууль, журам урлагийн шоунд хөрөнгө зарцуулсан.	1	75.0			1	75.0													
10 метр өндөртэй сүлд авах чимэглэлийг худалдан авах	1	39.1			1	39.1													

ажиллагааны хууль, журам зөрчин худалдан авсан.																			
Тавилга, эд хогшил, тоног төхөөрөмж дансанд 12 нэр төрлийн хөрөнгийн ашиглах хугацаанд 0, -1 гэж утгаар оруулснаас тайлант хугацааны элэгдлийн зардлыг дутуу тайлагнасан.	1	6.6				1	6.6												
Элэгдлээрээ анхны өртгөө нөхсөн 278 нэр төрлийн хөрөнгийг актлах, дахин үнэлэх асуудлыг шийдвэрлүүлээгүй.	1	434.4				1	434.4												
Дүн	11	724.2	3	20.4	6	262.8	2	441.0											

**Санхүүгийн тайлангийн аудитаар шалгасан нийцлийн аудитын асуудал**

(сая төгрөгөөр)

Зөрчлийн товч утга	Нийт зөрчил		Үүнээс						
	Тоо	Дүн	Төлбөрийн акт		Албан шаардлага		Зөвлөмж		
			Тоо	Дүн	Тоо	Дүн	Тоо	Дүн	
<b>Шилэн дансны тухай хуулийн хэрэгжилттэй холбоотой зөрчил</b>									
Шилэн дансны цахим системд нийт 29 төрлийн 146 мэдээллийг хуулийн хугацаанд ил тод мэдээлэхээс 178 мэдээллийг хугацаанд нь, 5 мэдээлэл хугацаа болоогүй, мэдээлэл тус бүрийн хавсралт файл буюу нотлох баримтыг мэдээлээгүй, байгууллагын ерөнхий мэдээллийг дутуу мэдээлсэн байна.	1	-						1	-
Дүн	1	-						1	-

**Бусад хууль тогтоомжтой холбоотой зөрчил**

Албан тушаалын 15-р байр, 109-р байранд нийт 5.4 сая төгрөгийн гал тогооны тавилга худалдан авсан.	1	5.4	1	5.4					
Архив албан хэрэг хөтлөлтийн хэвлэмэл хуудас болон үнэт цаасны тайлан хийж ажиглаагүй.	1	-						1	-
<b>Дүн</b>	<b>2</b>	<b>5.4</b>	<b>1</b>	<b>5.4</b>				<b>1</b>	<b>-</b>
<b>Нийт дүн</b>	<b>3</b>	<b>5.4</b>	<b>1</b>	<b>5.4</b>				<b>2</b>	<b>-</b>